

կոչուած քրիստիկն, քար մը կայ զոր Ս. Նշան կ'անուանեն: Աւանդութեամբ նախնեաց՝ կ'ըսուի թէ այս տեղը ճանապարհ էր, և հոն դե մը շարունակ երևելով կը մնասէր մարդոց և կանանց. այդ պատճառաւ սուրբերէն մէկը նոյն քարը օծեց, ու այն օրէն սկսեալ դեը այնտեղէն հալածուեցաւ: Մինչև հիմա այդ տեղը Սուրբ Նշան կը կոչեն, ինչպէս նաեւ Չրհորը (Հան. էջ 97):

Վանքին հիւսիսային կողմը կը գտնուի փոքրիկ եկեղեցի մը յանուն Ս. Թէոդորոսի, որ հայոց Լեւոն Գ. թագաւորը ՉԼԵ հայոց թուականին շինած է (1286), ի յիշատակ իր Թորոս եղբորը որ պատերազմի մէջ նահատակուած է: Աւանդաբար կ'ըսուի թէ Թորոսի գերեզմանը կը գտնուի այս եկեղեցիին հիւսիսային անկեան մէջ: Մեծ պահոց առաջին շաբաթ օրը կը կատարուի այս եկեղեցիին տօնախմբութիւնը (Հան. էջ 98, Ո. Ս. Տ. էջ 143):

2. Ս. Յակոբեանց եկեղեցիի պատկերներուն աւանդական խօսակցութիւնը (1223). — Հայ մենակեաց մը՝ Յովհաննէս Գառնեցի, Երուսաղէմ ուխտի գալով կը պատահի հրաշալի դէպքի մը զոր կը պատմէ Արևելքցի Վարդան վարդապետի եւ որմէ կը քաղենք զայն՝ իբր աւանդութիւն Ս. Տեղեաց:

Ս. Յակոբայ եկեղեցիին մէջ Պօղոս անուն վարդապետ մը եղած է որ ունեցեր է շատ առաքիւնի աշակերտ մը. ան երբ առաւօտուն կ'աղօթէ եղբր, տեսիլ եւ հրաշք կը տեսնէ և կուգայ կը պատմէ իր վարդապետին թէ Ս. Յակոբի մէջ գտնուած բոլոր պատկերները խօսեցան Ս. Մարիամ Աստուածածնի պատկերին հետ հետեւեալ կերպով: Գարբիէլ հրեշ-